

ژوری

و

هیئت اتهامیه

ژوری دینیلان هیئته بر چوق زمانردنبرو هیئت عدول دینلمکده در .
 محلفین دینسه طوغری اولورمی ازلزمی بوراسی دوشونیهلجک اموردن .
 ژوری هیئتلی فرانسه اصول جزائیهسنه کوره هراوج آیده بر اجتماع ایدن
 محکمه جنایتده Cour d'assises جانینک حاکمیری ، قاضیلری عدولنور . واقعاً
 فرانسهده محکمه جنایتده استیناف محکمهسی اعضاسندن بر ذاتک ریاستی وایکی
 اعضای موقتہنک اجتماعیلہ بر هیئت حاکمہ تشکل ایدرایسهده بو هیئتک وظیفهسی
 جانی استجواب . مدعی شخصی بی وشاهدلری استماع ، حاصلی محاکمہنی اداره
 ایتمکدن عبارت اولوب اصل حکم واجتہاد هیئت عدولہ راجعدر .

هیئت عدول اون ایکی ذاندن ترکب ایدر . بو اون ایکی ذات محکمه جنایتک
 تابع اولدینی Département اهالیسی میانندن ، اصحاب استعداد ویاقت ، حائر
 شهرت واستقامت کیسهلردن انتخاب اولنور . ۱۸۵۳ قانون عتیقنه کوره حق
 انتخاب ، انتخابات بلدیہ اصولی دائرہسندن اولوق اوزره هر فرد ذی اعتبارک
 حقوق اساسیه وسیاسیهسندن عد اولنور ایدی . قانون مذکورجه هیئت
 عدولہ نامزد اوله بیلهلجک التمش کشی علناً بر قومیسون مخصوص معرفتیلہ انتخاب
 اولندقدن صکره اشبو التمش ذاتک ایکنجی برقرعایلہ اوتوز الی کشیسی تفریق
 وجدولی مبانی عمومیه قبولرندہ تعلیق ایدیلور ایدی . اسامی عدولہ وقوعولہحق
 اعتراضات هر حالده محتاج تدقیق ایدی . قانون اخیراصول تفریقی تبدیل ایتماکله
 برابررنجی جدولی التمش کشییه حصروتحدیددن قورنارهرق بتون «دهبارتمان»
 خلقنه ؛ مسلک استعداد واخلایه قابلیت صحیحہنی حائر اولان کسانہ تعمیم
 ایلمشدر . ایمدی فرانسه جنایات محاکمی ، ژوری هیئته برسنه ایچون اوصاف
 لازمهنی جامع اولان ذوات بر قومیسون مخصوص معرفتیلہ انتخاب واصولاً

اعلان اولندقدن صکره محکمه جنایتک ایام اجتماعه قریب برزمانده ین برقومیسون مخصوص معرفتیه علناً وقرعه ایله ۳۶ کشتی تفریق اولنورکه بونلر ارسنه نك بتون جلسات و انعقادانده ژوری هیئته داخل اوله بیله جك ذواتدن ارلکی جدول اسمایه ، سته لك ژوری جدولی ، ایکنجیسه جدول اجتماع اطلاق اولنور . بوندبشقه هر دعوايه عائد اولمق ، ومدعی عمومی ومتهم و هیئت حاکمه موجود بولمق اوزره بر اوچنجی جدول ده ا ترتیب ایدیلور . بوجدول اودعوايه قناعت وجدانیه دآرهنده حرکت ایده جك ، اون ایکیلری یعنی اصل عدول هیئتی تشکیل ایده جکدر . هیئتک بویولده تفریق محاکمه کونی مظنون علیهک هویتی تحقیق ، و وکیلنه اختارات لازمه اجرا اولدیغنی متعاقب محکمه رئیس طرفندن - قرعه کشیده سیله تعیین ایتدیریلور .

هیئت عدولک اسمایسی تعیین ایتمی ارززینه رئیس محکمه جمله سته بوجه آتی عبارتۀ یعنی تکلیف و علی الافراد دعوتله تحلیف ایدر . تحلیف مراسمنک ختامندن صکره هیئت مقامنه قاعد اوله رق اصولی وجهله جنایت دعواسنک جسم وفصلنه ایتدار ایلر .

عبارۀ یمین : « جناب بارینک ، و همجنسکیزک حضورنده بولندیغکز حلاله متهم زید علیهنده اقامه اولنه جق یمینات ودلائلی کمال دقتله تدقیق وتفحص ایده جککزه نه متهمک ، نه هیئت اجتماعیه نك منافعی سوء استعمال ایتیه جککزه ؛ رأی بیکیزی اظهار و بیان ایدنجه یه قدر کمنه ایله اختلاطده بولنیه جفکزه ؛ نه بغض وعداوت ، وسوء نیته ونه خوف وخشیت ومودت وصحابته احاله اعتبار ایلیمیه جککزه ؛ حکم واقعی دلائل وارده ومدافعات واقعه ایجاباتنه ، وطاهر الذیل ، صاحب الاعتبار ذواته یاقیشه جق برصورتده ناموس و وجدانکیز ، وقناعت کامله ذانیه کز دآرهنده کال بیطرفی وممانتله اعطا ایده جککزه یمین ایدر میسکیز ؟ » خطابندن عبارتدرکه هیئت عدولک یمین ایدرم جوابیله ختام بولور .

جنایاتک اصول محاکمه سنده جمله مزک معلومی اولان مجرمیت قرارینه نوبت کننجه ذاتاً مطبوع ومرتب اولان Verdict استله نامه ژوری هیئته تودیع اولنور .

اسٹہ نك جوانی اوت ویاخیردن بشقه برجله اولماق قلمقدیر . مثلاً (۱) فعل واقعمیدر؟ (۲) فاعله اسنادی جائز میدر؟ (۳) اسباب محففه و مشدده وارمیدر؟ (۴) اسباب برائت و معافیت واقعمیدر . الخ سؤالار اوزرینه هیئت عدول قناعت وجدانیسه مراجعت ایدوب برنجی سؤاله خیر! جوابی ویریرسه انی تعقیب ایدن سائر سؤالار حکمدن ساقط اولور . و قس علیه البواقی .

هیئت عدولك باشلیجه استنادکاهی، احوال و ظواهر اوزرینه قناعت ذاتیه در . بوقاعت، قناعت وجدانیه اولدقدن صکره ولوقانونك نصوصی خلافده اولسون واجب التفیذ حکمنه کیرر . بعض کره لر مقررات عدولی تطبیقه مأمور اولان هیئت حاکمه بویوزدن دوچار مشکلات اولدینی، واحکام قانونیه نی تحریده دوچار صعوبات اولدینی واقع اولمشدر .

عدالتی قناعت وجدانییه ربط ایتمش اولان برجنایت محکمه سی هیئتك بیان اولنان مشکلات و صعوباته کرفتار اولسی، شهرت عدالت نامنه موافق کورولمده یکندن طولاییدرکه ارباب جنایتی استنطاق ایلان تحقیقات ابتدایه و استنطاقه هیئترینك مافوقنده اوله رق بر ایکنجی هیئت تحقیقه؛ اتهام هیئتی تأسیس اولمشدر . هیئت اتهامیه نواقص تحقیقه نی جبروتلافی، و هیئت عدولك خودسرانه دینیه جك مرتبه وجدانی اولان مقرراتنی قانونه قریب خصوصنده کایلیق ایفای وظیفه ایدرك استنطاقنامه لر بر وثیقه معتبره حالنه کتیروب اتهام مضبطه سیله محکمه جنایتیه تودیع و تسلیم ایلر .

دیك اولیورکه هیئت اتهامیه ، ژورینك عادتاً متکاسی ، استنادکاهیدر . ژوری حاله ، محاکمه ، متهمه نفوذ نظریله باقوب وجدانی قرارینی ویره جکی سردهده هیئت اتهامیه مضبطه سی خواطر دن اوزاق طوتمیه جق . قوی و محکم اولان جمیع دلائل ، محاکم استقلالی قاعده سنه مراعاة ایتمکله برابر محاکمه وجدانیه سنده بر موقع حاصل ایده جك .

بو شیلر مصیب، معقول . هیئت عدول ایله دعاوی جنایه سی رؤیت اولنان الکالرده ضروری عد اولنسون . جواز ویریه بیلور .

انجق هیئت عدولی اولمیان محاکم عثمانیه کبی محاکمه هیئت اتهامیه نك تشکیلاتجه تعویق مصالحدن بشقه نه فائده سی اوله بیلور؟ مفسوخیت ادعاسی ایچون بش کون . هیئت اتهامیه نك صدور قرارینه قدر انتظار اولان مدته شو قدر کون . استنطاقده بوقدر کون . حاصلی برچوق کونلر عبث یره کذر ایتمش ارلیور . اظهار حق ایچون محکمه جنایت ، بتون ، استنطاق و اتهام اوراق موجود اولدینی حالده تکرار استجوابات وادیسنه داخل اوله رق مشله یی، دعوائی بحق تنویر ایدیور . حکم قطعییه متدائر قرائن و ادله حقیقیه یی تلفیق و توضیح ایلور . بر حالده که بو استجوابلرله اوراق استنطاقیه نك اعتباری شهود اوله نك اوصافنه ، جرمک ، و جسم جرمک احواله متدائر تفصیلات واجبه یه منحصر قالور .

بنابرین هیئت اتهامیه تشکل ایتمش اولسه ، هیئات استنطاقیه ، مستنظفلر ، حمیت و حسن عدالت مقتضاسنجه بو وظیفه یی بحق ایفا ایتمش اوله بیلورلر . استنطاقنامه نك لزوم محاکمه یه و جمع ادله یه متفرع و بالوجه تنویر مشله یه خادم اوله حق محتویاتی نظر دقتدن دور طو تلماق اوزره ایش هیئت اتهامیه یه بدل بر محکمه جنایت تودیع اولنسه ، اصلجه بسیط و ساده برطرز اتخاذ ایدلمش اوله جنفی کبی حقانیت و عدالت دخی کافی السابق و بلکه ده اکل اوله رق تأمین و استحصال ایدلمش اولور .

بر کره باقیلسون . بو هیئت اتهامیه لر ، شو استنظافلر هپ عدالت ایچون ، خطادن بری حکم استحصالی ایچون تأسیس اولنمشدر . یا انکلترده حاکم واحده نه دنیه بیلیر که طرفینی ، برهانلری و مناقشه علمییه داتره سنده دوران ایتک اوزره کال سکونتله استماع ایدوب حکم ایدیور . حتی جنایت محکمه عالییه سی استنطاقه مأمور آدمیری اولسه بیلر هیئت اتهامیه سی ، محکمه جنایتده بر طاقم قیوده تابع آدمیری بوقدر . حکام قضاده مستقل ، بدایرده مستقل ، اجتهادده مستقلدر . بو مرتبه استقلال ایله انکلتره حاکم لری نك دعاوجه ، حکمجه خطاری اندر ایشیدلمشدر . بالعکس او هیئت اتهامیه لری استنطاق درجه لری متفاوت اولان

ملکترده حکام ، التزام قیوداته زعماً نیز ، خطاؤن سانم قانامش لر در . دیمک ایسترز که هیئت اتهامیه لک مستنطق قرار نامه زری علی بنده وقوع بولمحق اعتراضاتده مرجع تدقیق اولمق وظیفه سیله متفرعاتنه طوق قلمامق شرطیله معاملات اتهامیه نك لغوی زمانی کیش ظن ایدرز .

عبدالحاق مدحت

اصول مبعوثیت

قوانین اساسیه نك مبناسی تشکیل ایدن حاکمیت ملتک نتیجه طبیعی سی ، اصول مبعوثیت regime représentatif اولدیغنی اولکی مقاله مزده بیان و ایضاح ایلمش ایدک . اشبو مقاله مزی دخی اصول مذکور نك تدقیق و مطالعه سنه حصر ایده جکر .

اصول مبعوثیت — ملتک حقوق حاکمیتی استعمال ایتکله مکلف مبعوثلرک انتخابندن عبارتدر حدود لری کسب وسعت ایدن حکومتک تشکیلات حاضر دسی ایجابجه هر ملتک بلا واسطه حقوق حاکمیتی استعمال ایتسنه امکان بولندیغنی وبالاتخاب تعیین ایده جکی مبعوثلر حقوق مذکور بی ترک وتودیع ایلمک مجبوریت مادیه سنده بولندیغنی حقایق مسلمه دندر اشبو ایضاحاتدن دخی مسلمان اولدیغنی وجهله اصول مشروحه نك اساسی انتخاب و وسائط تطبیقیه سی منتخب ومبعوثدر بوکون یالکز منتخب ایله اکا متعلق اولان صور انتخابیه دن بحث ایده جکر .

منتخب — افرادک منتخب اوله ییلمسی ایچون حائر اولمی اقتضا ایدن اوصاف و شرائط اقوام و ازمته کوره دائماً تخلف ایلمشدر . قوانین اساسیه نك اکثریسنده بوباید بسط وتمهید اولتان شرائط منتخبک ذکر دین اولمی ، حکومته از چوق ویرکو ویرمی ، معین بر اقامتکله ایدمسی ، برس معینی اکمال ایلمش و اوقویوب یازمحق قدر بر تحصیل ابتدائی کورمش اولمسندن عبارتدر حق انتخابدن اسقاط ایدن اسباب ایسه حقوق مدنی و سیاسیه دن محرومیتدر . فعلاً